

TEZAUUR LITURGIC

20 IULIE

**ACATISTUL
SF. PROROC
ILIE
TESVITEANUL**



TBILISI, 2000



დაუჯდომელი საგალობელი დიდისა წინადასწარმეტყუელისა ელია თეზბიტელისა

კონდაკი 1

ზეცით მონიჭებულსა სიმტკიცესა ისრაელისასა და მკურვალესა შუამდგომელსა ქრისტეანეთასა გიგალობთ და შევამკობთ სიწმიდესა შენსა, ხოლო შენ, ვითარცა გაქუს კადნიერებად დიდი, ევედრე სახიერსა ღმერთსა, შეგვწყალნეს და გვკვნნეს ჩუენ ყოველთაგან საცთურთა და განსაცდელთა, რადთა არა შთავარდეთ საფრკესა მტერისასა და უვნებელად დაცულნი ღირს ვიქმნეთ გალობად შენდა: გიხაროდენ, წინადასწარმეტყუელო და ქადაგო ძუელისა და ახლისა სჯულისაო, საკვრველთმოქმედო ელია!

იკოსი 1

ანგელოზთა შემოქმედმან წინადასწარ გიცნა წიაღსავე დედისა შენისასა, და მოგავლინა, რადთა ასწაო მეფესა და ერსა ისრაელისასა რჯული მისი და განამტკიცნე იგინი დამარხვად მცნებათა მისთა, ხოლო შენ დევნულებანი თავს-იდევ სარწმუნოებისათუს ბილწთა მეფეთაგან და ზრახვანი მათნი შემუსრენ ძალითა

სულისადათა, ამისთჳსცა შეგამკობთ მოშურნესა
მკურვალესა და ვნებათა თჳთმჰყრობელსა - დიდსა
წინაღწარმეტყუელსა ელია თეზბიტელსა, ვითარცა
ბრწყინვალესა მნათობსა სოფლისასა და მეორესა
წინამორბედსა ქრისტეს ქუეყანასა ზედა მეორედ
მოსვლისასა:

გიხაროდენ, რტოო ნაყოფიერო, ძირთაგან
სამღდელოთა აღმოსრულო;

გიხაროდენ, სიჩხოდთგან სიმდაბლისა და
კრძალულებისა შემყუარებელო;

გიხაროდენ, სიყრმითგან სულთა და ჯორცთა
უბიწოებისა გულსმოდგინედ დამცველო;

გიხაროდენ, უფლისა მიერ წინაღწარმეტყუელად და
მღდლად მოწოდებულო;

გიხაროდენ, ღუაწლითა შენითა და მადლითა
უფლისადათა საზომსა მას სიწმიდისასა მიწევნულო;

გიხაროდენ, ისრაელთა შორის სათნოებითა
განბრწყინვებულო;

გიხაროდენ, მრავლითა სასწაულითა უფლისაგან
განდიდებულო;

გიხაროდენ, საკვრველებათა ცისკრითა ურწმუნოებით
დაბნელებულთა გულთა განმანათლებე-ლო;

გიხაროდენ, ეშმაკისა ცთუნებათა და მძვნვარეთა
საფრკეთა მისთა დაუცადებელითა ლოცვითა
დამშრეტელო;

გიხაროდენ, ყოველგვარ ბოროტთა ზნე-ჩუეულებათა აღმხოცველო;
გიხაროდენ, ბიწიერებათა ძლიერად დამთრგუნველო;
გიხაროდენ, მსგავსად აბელისა განმართლებულო და ზეციერსა მას ქალაქსა ცეცხლისა ეტლითა აღტაცებულო;
გიხაროდენ, წინაღწარმეტყუელო და ქადაგო ძუელისა და ახლისა სჯულისაო, საკვრველ-თმოქმედო ელია!

კონდაკი 2

მეფობდა რად ისრაელსა ზედა აქაზ, ქმნა ბოროტი წინაშე უფლისა განრისხებად მისა, რამეთუ მოიყვანა ცოლად იეზაბელ, ასული წარმართთა მეფისად, და უვარ-ყო რად ღმერთი, შემოქმედი თვისი, თაყუანის-სცა ბაალსა, და აცთუნა რად ისრაჲლი, მიაქცია კერპთა მიმართ უსულოთა, ხოლო შენ ჰხედვიდი რად უჯეროსა მას საქმესა, შეძრწუნდი შურიტა უფლისადთა და განემორე რად სახლსა მამისა შენისასა, იღუწიდი სულიერად წინაშე ღმრთისა და სუნნელებად ლოცვათა შენთად, ვითარცა კეთილი საკუმეველი, მარადის აღიწეოდა წინაშე მისსა: ალილუია.

იკოსი 2

რისხვთა მჯეცებრივითა მოსწყვიდა რაჲ იეზაბელმან წინადსწარმეტყუელნი უფლისანი, სასჯელი საღმრთოდ შურისგებისაჲ წინადსწარ გამოგეცხადა შენ, ღმრთივ-საყუარელო ელია, და მამხილებელად წარსდეგ რაჲ წინაშე აქაბისა, არცალა შეიწყნარებდეს სიტყუასა ჭემმარიტებისასა და დადგრომილ იყუნეს სიფიცხლესავე თვისა ზედა, მაშინ სიტყვთა ერთითა ცაჲ შეჰკარ და დააყენე ცუარი და წჳმაჲ გულისჳმის-საყოფელად უკეთურთა, რაჲთა ცნას ყოველმან ისრაელმან ღმერთი, და დამბადებელისა მიმართ მოიქცენ ლოცვითა, ეგრეთვე ჩუენცა განვარისხეთ უფალი ბოროტად ცხორებითა და გონებითა შეგინებულითა და არა წმიდითა ქცევითა, არამედ მიოხე წინაშე მისა, დანერგოს ჩუენ შორის შიში და მოძაგებაჲ ცოდვისაჲ და სიყუარული სათნოებისაჲ, და ვიტყოდეთ წადიერებითა:

გიხაროდენ, უბიწოდსა ცხორებისა შენისა, ვითარცა მსხუერპლისა წმიდისა, სულითა განწმედილითა ღმრთისად შემწირველო;

გიხაროდენ, ღმრთისმეტყუელითა პირითა უაღრეს რიტორთაჲსა მეტყველო და სწავლათა ზეცისათა გამომთქუმელო;

გიხაროდენ, ღმრთის დიდებისა მქადაგებელო და

სინანულისა მასწავლელო;

გიხაროდენ, საღმრთოთა მათ და ბრძენთა სიტყუათა
შენთა მიერ მეფეთა მამხილებელო;

გიხაროდენ, რამეთუ დაღათუ კაცი იყავ ქუეყნიერი,
არამედ ვითარცა ღმრთისა ურჩეულესი მსახური,
განხრწნადითა ჯორცითა მსგავსად ანგელოზისა
მოქალაქობდი;

გიხაროდენ, მარადის მღვიძარეო, რამეთუ გამოსჩნდი
შენ მაღლითა ორღანოდ მგალობელად შურის
მეძიებელისა ღმრთისა, რომელმან მათთვს საჯა
ესრეთ და შენ გამოგიცხადა;

გიხაროდენ, ღმრთისა ძალითა კეთილად
აღჭურვილო, რამეთუ მოიმტკიცე მკლავნი თვსნი,
ვითარცა მბრძოლამან ახოვანმან;

გიხაროდენ, რამეთუ ნესტუსა დაჰბერე, საგალობელო,
ჯმითა მით საღმრთოთა და კიდეთა სოფლისათა
იქუნა სიტყუამან შენმან;

გიხაროდენ, ღმრთისამიერიითა მით მაღლითა
მრონცხებულო, რამეთუ სარწმუნოებაჲ ეგე
კრძალულად იპყარ და განაკრძალნე, რომელნი იგი
ჯდომად აღუდგენ სიტყუასა მას ჯსნისასა;

გიხაროდენ, სიმართლითა თუალუხუავითა
განშუენებულო, რომელმან ჰფუცე ცხოველებასა
უფლისასა არა მიცემად ქუეყანისათვს წჳმისა თვნიერ
სიტყუსა შენისა“;

გიხაროდენ, ჟამსა უწვმრობისასა საკვრველო შემწეო,
რამეთუ აღასრულა ნებად შენი უფალმან, რადთა
გულისცმა-ჰყონ ყოველთა კაცთა, თუ ვითარსა
ძალმოსილებასა მისცემს მორწმუნეთა თვსთა;
გიხაროდენ, დამთრგუნველო ღმრთისმხდომთაო,
რამეთუ არცა-ღა დაჯსნა განჩინებულნი შენნი, არამედ
უზემთაეს გყო შენ ყოველთა დაბადებულთა მისთა და
მოგცა ჯელმწიფებად ღრუბელთა ზედა;
გიხაროდენ, წინადაწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 3

ეჰა, შეწევნად ძალლისად ნების მყოფელთა მისთა,
რამეთუ პირითა შენითა გამოჯდა რად სიტყუად იგი,
ვითარცა ცეცხლი შემწუელი, მეყსეულად ცად
განრვალდა, და წვმად არა გარდამოჯდა ქუეყანად, და
განჯმა და განქარდა ყოველი საშუებელი კაცთად,
მაშინ წარგგზავნიდა შენ უფალი ხევსა მას
ქორათისასა, მახლობელად იორდანისა, და
გამოზრდად შენი უბრძანა ყორანსა, ხოლო შენ
დაადგერ რად მღვმესა, მოხედვითა ღმრთისა-მიერითა
პოვე წყალი ნაღვარევსა და ყორანი უტყვ ორგზის
მოგართუმევდა საზრდელსა, რადცა იყო ჭემმარიტად

საკვრველ, და მადლსა და დიდებასა აღუვლენდი ღმერთსა: ალილუია.

იკოსი 3

დაღაცა-თუ ყოველივე მოწყდებოდა სიტყვთა შენითა და დაშთომილნიცა მოუძღურდეს სიყმილითა, არავე დასცხრა რისხვად გულისწყრომისა შენისაჲ, და არცაღა განჰსენ ღრუბელნი შობად წჳმისა, მაშინ განცვფრდენ მთავარანგელოზნი ანგელოზთა თანა, და აღსრულთა უფლისა მიმართ შესმენად შენდა, ღაღადყვეს: „მაუწყე ჩუენ, უფალო, თუ ნანდვლ მოახლებულ არს აღსასრული ქუეყანისაჲ, რამეთუ მკვდრნი მისნი ღაღადებენ შენდა მომართ და არცაღა ისმენ ვედრებასა მათსა, ხოლო უკუეთუ გიყუარს კაცი ესე უფროჲს ზეცისა დასთა, აღმოიყვანე იგი და განერეს ქუეყანაჲ ყოველი პირისაგან მისისა“, და მიუგო უფალმან, ყოვლისმჰყრობელმან: „ძალი და ჳელმწიფებაჲ ელიაჲსი არს მსგავს ერთგულებისა და მოთმინებისა მისისა, რამეთუ მართალი კაცი მირჩევიეს უფროჲს ძეთა ისრაჳლისათა, რომელნი დიდებასა ჩემსა მისცემენ ეშმაკთა“, ამისთჳსცა შიშით გევედრებით, ელია: ნუ დააქცევ ქუეყანასა ჩუენსა უსამართლოებისათჳს მკვდრთა მისთაჲსა და უშჯულოებისა, არამედ აღმოგვიყვანე ცოდვათაგან, რადთა ვიდრე უკანასკნელ აღმოფშვინვადმდე ვსდგეთ

მტკიცედ და შეურყევლად გზასა ზედა
ჭეშმარიტებისასა და ვიტყოდეთ სამადლობელსა ამას
ქებისასა:

გიხაროდენ, ღმრთით მოქადულო, რამეთუ არა წინა-
აღგიდგა შენ უფალი და მოგმადლა მადლი ცათა
შეკრვისად და განჯსნისად;

გიხაროდენ, უმჯნესო მოლუაწეო, რამეთუ საღმრთო მან
მთავარანგელოზ მან გარდამოიყვანა რად ღრუბელი
თჳნიერ ცუარისა და წჳმისა, მკსინვარიტა სიტყუთა
შენითა უკუ-იქცეს იგინი და დადგეს წინაშე ზეცისა
მკედრობათა მთავრისა;

გიხაროდენ, კაცო უბიწოო, რამეთუ მოგეახლა
მთავარანგელოზი, და გრქუა განკვრევით: „ვისსა
სწორად შეგირაცხიეს თავი შენი, ელია? უკუეთუ
ზეცისად ხარ, რადსა განაქარვე განგებად ქუეყანისად და
უკუეთუ ქუეყანისად ხარ რადსა დააყენენ ღრუბელნი
წჳმისაგან?;

გიხაროდენ, რამეთუ გევედრებოდა უნივთოდსა
გუნდისა მთავარი, ეწადა რად მოდრეკად
უწყალოებისა შენისა, რადთა განჯსნე კრულებად,
რომელი განაჩინე სახლისათჳს აქაბისა და ერისათჳს
მისისა;

გიხაროდენ, რამეთუ გესმა რად ჳმად ანგელოზისაგან
ანგელოზთა სწორსა მამასა, აღაღე პირი და რქუ:
„სიტყუად პირისა ჩემისად ცეცხლებრ შემწუელ არს და

არა შევინანო, ვიდრედმდის შური ვიძიო
ღმრთისათვის და დავაყენო მათგან ცუარი ცისად და
განვაჯმო პირი ქუეყანისად;
გიხაროდენ, რამეთუ ესმა რად ზეცისა უსხეულოთა
წინამძღუარსა, გეტყოდა: „ჟ, მიწაო და მიწისაგანო,
ვინ გასწავა შენ რადთა ჰფუცე ცხოველებასა
უფლისასა, რამეთუ ჩუენ ანგელოზნი ცისანი, ვერ
შემძლებელ ვართ ფუცვად მაცხოვარებასა მისსა“;
გიხაროდენ, რამეთუ განახუენ პირი თვისი და მიუგე:
„აწ ნუ იქადი ჩემ ზედა, რამეთუ ანგელოზი ხარ და
დაებადე ცეცხლისაგან, ხოლო მე ზეცით შთამბერა
ღმერთმან სული ცხოველი და მეტყუელი და მისთვის
მაქუს ძალი და ჰელმწიფებად გუემად ქუეყანისა;
გიხაროდენ, რამეთუ შემდგომად ამისა ქუეყანამან
იწყო ვედრებად შენდა და გრქუა: „ვითარცა დედად,
რომელი ევედრებინ შვლსა თვისსა, შემიწყალე მე და
შეიწყალე მკვდრნი ჩემნი და ნუ წარსწყმედ
მართალთა ცოდვილთა მიზეზითა“;
გიხაროდენ, რამეთუ სთნდა ღმერთსა
კაცთმოყუარებად და მოცემად წვამად, გარნა არა
გმძლავრა;
გიხაროდენ, რამეთუ შენ არა გენება უფლისა თვისისა
ვედრებად, რადთამცა მოსცეს წვამად ქუეყანასა;
გიხაროდენ, შურითა კეთილმსახურებისადთა
შეწულო, რომელი მოწყალისა მიმართ კუალადცა

კმობდი: „განრისხდი ურწმუნოთა ზედა, მსაჯულო სიმართლისაო“;

გიხაროდენ, რამეთუ დააყენა ღმერთმან ყორანნი მსახურებისაგან შენისა, რადთა განჰვსნე საკრველი იგი კრულებისად;

გიხაროდენ, წინაღწარმეტყუელო და ქადაგო ძუელისა და ახლისა სჯულისაო, საკრველ-თმოქმედო ელია!

კონდაკი 4

იხილე რად დაყოვნებად იგი ყორანთად, გარდახვედ სუმად წყლისა, არამედ მყის შთანთქა წყაროდ იგი ქუეყანამან, და გულისხმა-ყავ რად ძალი ღმრთისად, ცრემლითა მკურვალითა ღაღად-ჰყავ მისსა მიმართ: „უკუეთუ გნებავს შეწყალებად დაბადებულთა შენთად, არღარა ვიკადრებ წინააღდგომად შენდა, გარნა მეშინის, რამეთუ ვეფუცე წმიდასა სახელსა შენსა, ხოლო უკუეთუ მომიტევებ ფიცსა ამას, მეცა ვყო ნებად შენი და განვკსნე საკრველი იგი კრულებისად, რადთა ყოველმან სოფელმან ცნას მოწყალებად და სახიერებად შენი და მსხუერპლად მოგართუან ძღუენი ქებისად“: ალილუია.

იკოსი 4

სიყმილითა განკაფული გამოხვედ რაჲ ძიებად
საზრდელისა, წარხვედ სარეფთად სიდონიაჲსა
ბრძანებითა ღმრთისაჲთა, და იხილე რაჲ ქურივი
მკრეფელი ფიჩხისაჲ, პირველად სთხოვდი წყალსა და
მერმე ჭამადსა, და ეჰა, ვითარ ვაქებდეთ ქურივსა მას
გლახაკსა, რამეთუ სტუმართმოყუარებასა პატივ-სცა
და მცირისა მის საზრდელისა მქონებელმან, რაჲცა
აქუნდა, მოგართუა, რაჲსთვსცა განმრავლდა სარჩოდ
მისი, ვიდრე ყოფად წჳმისა, ხოლო მოკუდა რაჲ ძჳ
ქურივისაჲ და ცრემლითა სასოებდა შეწევნასა შენსა,
არა უგულუბელ-ყავ ცრემლნი მისნი და აღუდგინე რაჲ
ყრმაჲ იგი მკუდრეთით, გარდასცუალე გლოვაჲ მისი
სიხარულად, აწცა ცხოველ ჰყავ სული ჩემი
მომკუდარი ცოდვათაგან და საცნობელნი განმინათლე
შემსხმელსა შენსა:

გიხაროდენ, წყარო დაუწყუედელო, სულთა
სარგებელთა სწავლათა აღმომადინებელო;

გიხაროდენ, უსასოოთა და შეცთომილთათვს
წრფელისა გზისა მაჩვენებელო;

გიხაროდენ, განსაცდელთა და მწუხარებათა მიერ
ღმრთისაჲმი მომაქცეველო;

გიხაროდენ, ღმრთისმოყუარეთათვს მადლისმიერისა
სიხარულისა მიმფენელო;

გიხაროდენ, ჟამსა სიყმილისასა მსწრაფლ
ნუგეშინისმცემელო;
გიხაროდენ, გამოუთქმელითა სიწმიდითა
სამღდელოთათჳს მაგალითისა მიმცემელო;
გიხაროდენ, მკუდართა აღმადგინებელო და სენთაგან
კაცთა გამომკსნელო;
გიხაროდენ, მწიკულებანთა და
მრავალშეცოდებულთა სულთა განმწმედელო;
გიხაროდენ, მუშაკთა ნაყოფიერყოფელო და მშვიერთა
გამომზრდელო;
გიხაროდენ, უგულისკმოებისა ბნელისა
განმდევენელო;
გიხაროდენ, მოკლებულისა სარწმუნოებისა
განმაახლებელო;
გიხაროდენ, ერისა სულიერისა ძილისა
განმაფრთხოებელო და უდებებისაგან გამომკსნელო;
გიხაროდენ, წინადაწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 5

განგრძელდა რაჲ ზეგარდამომავალი რისხვაჲ სამ
წელ, საღმრთოდთა ბრძანებითა წარემართე მხილებად
აქაბისა, ხოლო მან მოგხედა და გულისწყრომითა
გრქუა: „შენ ხარ, რომელმან ისრაელი დააქციე“, გარნა

შენ თუალუხუავად ამხილე და შეკრიბნე რად ყოველი
ერი და ცრუ წინადსწარმეტყუელნი მთასა მას
ქარმელსა, რქვ კრებულსა მას ღმრთის მგმობართასა:
„აჰა, შევსწიროთ ზუარაკი თვს-თვსად: დავსხათ შეშად
უცეცხლოდ და ვჰხადოთ სახელსა ღმრთისა
ჩუენისასა, და იგი არს ღმერთი ჭემმარიტ, რომელმან
ისმინოს ცეცხლითა, ხოლო უკუეთუ არს უფალი
ღმერთი, მისდევდით მას ერი ისრაელისა და
ყოველნივე ჰმადლობდით და უგალობდით
ძლიერებასა მისსა“: აღილუია.

იკოსი 5

უპირველეს ქურუმთა ბაალისათა ხადეს სახელსა
კერპისასა და შესწირვიდენ რად ზუარაკსა,
სირცხვლეულ-იქმნეს და შეძრწუნდეს, რამეთუ
არავინ იყო მსმენელ მათდა, ხოლო განცრუვდა რად
სასოებად მათი, განჰმზადე დამკობილი
საკურთხეველი უფლისად, და დასდევ სამსხუერპლოდ
ზუარაკი შეშასა ზედა, დაასხ წყალი გარემოდს
საკურთხეველისა და ითხოვე ღმრთისა მიერ შეწირვად
ზუარაკისად, მაშინ შეისმინა ვედრებად შენი უფალმან,
და მეყსეულად გარდამოვდა რად ცეცხლი ზეცით,
შეჭამა მსხუერპლი იგი და შეშად სრულიად, ხოლო
შეძრწუნებულმან ერმან ცნო ღმერთი ისრაჴლისად, და

გიგალობდა შენ, და ვითარცა ღმრთისად
მიმყუანებელსა, გნატრიდა:

გიხაროდენ, ქარმელითგან დაუღევნელთა მადლთა
განმფენელო;

გიხაროდენ, წყალთა შინა ცეცხლისა აღმატყინებელო;

გიხაროდენ, ყოვლისა ბილწ-მოქალაქობისა
აღმხოცელო;

გიხაროდენ, უფლის სახელისა სადიდებელად აღზრ-
უსხმელთა დამაოკებელო;

გიხაროდენ, შჯულის გარდამავალთა სილადისა
დამამჯობელო;

გიხაროდენ, ცოდვათა მიერ დაბრმობილთა თუალთა
სულისათა აღმხელელო;

გიხაროდენ, ბოროტად შეცდომილთა მეფეთა და
ერთა მარცხვენელო;

გიხაროდენ, კერპთმსახურთა კრებულისა
სირცხვლეულ-მყოფელო;

გიხაროდენ, ურწმუნოთა ჭეშმარიტებისა გზასა ზედა
მომყვანებელო;

გიხაროდენ, სიწმიდის მოყუარეთა სასოებითა
აღმავსებელო;

გიხაროდენ, მაცხოვრებელთა ნიჭთა უხუად
მიმმადლებელო;

გიხაროდენ, წყევლისა დამკსნელო და კურთხევისა
მომცემელო;

გიხაროდენ, წინადაწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 6

აღმოიფხუარა რად საცთური წვალებისად, ასწავებდი
ისრაელსა საშჯელსა მას თუალუხუავსა, და რქვ ერსა
მას და მეფესა: „შეიპყრენით ქურუმნი იგი
სირცხლისანი და ნუმცა ვინ განერების კელთაგან
თქუნთა“, და ვითარცა ახოვანმან მოლუაწემან,
აღიჭურვე მკლავნიცა მოწყუედად წინააღმდგომთა
ღმრთისათა და შემუსრენ განმბრწნელნი ერისანი,
რომელნი ჭამდენ ტაბლისა მისგან იეზაბელისა, გარნა
არა შენი იყო სიკუდილისა მათისა სასჯელი, არამედ
ღმრთისად, ამისთვისცა აღგძრავთ მეოხებად მისსა
მიმართ, განგვაშოროს ყოველნი უღმრთონი და
მტყუვარნი მმართველნი და უღირსნი
თანამზრახველნი მათნი, წინა-მსრბოლნი ოხრებისად
და დაგლახაკებისა ჩუენისად, რადთა უღმრთოთა
ნებისაებრ არა მივიდრიკნეთ უმჯულოებისადმი და
მარადის ვადიდებდეთ უფალსა, დამბადებელსა
ყოველთასა: აღილუია.

იკოსი 6

უზესთაესსა მადლსა მას ღირს-ქმნულმან არაწმიდათა მათ მღდელთა მოსრვითა დააცხრვე რისხუად შემოქმედისა და დავარდი რად თხემსა მას ქარმელისასა, აღიხილნე თუალნი ზეცად, და ლოცვითა მკურვალითა ღრუბელი გამოაჩინე გარდამომავლინებელი წვმისა, მაშინ მეფე აქაბ ტიროდა სიხარულით, ხოლო ურცხვინოდ იეზაბელ უფროდს განრისხნებოდა და გეძიებდა მოკლვად, ვინადთგან ქურუმთა მისთა ზედა სიკუდილი მოაწიე ჯერისაებრ მსჯავრისა, ხოლო ჩუენ არღარა გვვის მთავარ და წინამძღუარ და არცაღა ძალგვიძს წინა-აღდგომად წარმმართთა და მწვალებელთა, ამისთვის ევედრე ღმერთსა, რადთა დაშრიტოს საზეპუროსა ერსა ჩუენსა ზედა აღძრული საიდუმლოდ იგი უმჯულოებისად, რომელ არს წმიდისა შემბილწველი „საძაგელი მოოხრებისად“ და მოგუმადლოს ჩუენ ღირსნი მამანი და ბრძენნი წინამძღუარნი, რადთა არა სრულიად განიხრწნას საქართველოდ - წილხვედრი ესე ქუეყანად ღმრთისმშობლისად, არამედ ყოველნი ვიქმოდეთ სამართალსა და სიმდაბლითა მოგართუმევდეთ ესევითართა გალობათა:

გიხაროდენ, ჭეშმარიტებისა გამობრწყინვებითა მთავართა ბნელისადთა წარმწყმედელო და ბოროტთა

მძლეველო;

გიხაროდენ, მოგუთა გრძნებისა დამარღვეველო;

გიხაროდენ, ზღუდისა შუაკედელისა დამჯსნელო;

გიხაროდენ, ცის კამარათა ღრუბლითა აღმავსებელო,.

გიხაროდენ, სიცბილისა მათისა ძლევეით

მამხილებელო;

გიხაროდენ, ობოლთა გამომზრდელო და უპოვართა

და გლახაკთა მწყალობელო;

გიხაროდენ, მანკიერთა და სატანურითა სიბილწითა

აღბორგებულთა ზარგანმხდელო;

გიხაროდენ, საუფლოდსა ერისა მზაკუვარებითა

განმხრწნელთა შემრისხველო;

გიხაროდენ, ლოცვითა შენითა განლაღებულთა მათ

უმჯულოთა ღონისა შემმუსრველო;

გიხაროდენ, მწვალებელთა და შჯულისა

გარდამავალთა შემადრწუნებელო;

გიხაროდენ, კრულებისა საკრველთა განმკეთქელო,

რამეთუ დაჯშულიცა იგი შენი ცანი არა განალო

თჳნიერ შენსა უფალმან, არამედ განგებითა მიგიყუანა

ვედრებად მისდა;

გიხაროდენ, რამეთუ ლოცვითა შენითა საქანელნი

ცისანი განახვენ და გვალვისაგან იკსენ ქუეყანად;

გიხაროდენ, წინადსწარმეტყუელო და ქადაგო

ძუელისა და ახლისა სჯულისაო, საკვრველ-

თმოქმედო ელია!

კონდაკი 7

რომელმან სიტყვთა შენითა დააყუდე წყალ-მდინარე იგი ღრუბელი, გესმა ვითარმედ უღირსი დედოფალი იეზაბელ გეძიებს შენ მოკლვად და განერე რად რისხუასა მისსა, მწირობდი უდაბნოსა და ანგელოზი უფლისაჲ უშრომელად მოგართმევდის საზრდელსა, რადთა ორმეოცისა დღისა სავალსა გაქუნდეს მცირედ განსასუენებელი სიფიცხლისათჳს გზისაჲსა და გაუწყა რად ყოველი ბრძანებაჲ ღმრთისაჲ, წარხვედ ქორებად - მთასა მას ღმრთისასა, და უგალობდი სახიერებასა მისსა: ალილუია.

იკოსი 7

მთასა მას ზედა აღსრულმან პოვე მღვმე და შეხვედ მას შინა, და აჰა, მეყსეულად იყო შენდა ჳმაჲ სანატრელი უფლისაჲ: „რადსა ხარ შენ აქა, ელია?“ - „დაუტევეს აღთქმაჲ შენი ძეთა ისრაელისათა, და მე მარტოდ დაშთომილ ვარ და ეძიებენ მიღებად სულსაჲცა ჩემსა“ - მიუგე რად, გამოგეცხადა შენ უფალი არა ქარსა და ძრვასა, ანუ ცეცხლსა, არამედ მყუდროებითა ჳმითა ნიავეწულილისაჲთა დაგმომოდღვრა, და ნუგეშინის-გცა და გაუწყა მამაკაცისათჳს შუდ ათასისა, რომელთა არა თაყუანი-სცეს ბაალსა და გიბრძანა მოძიებაჲ ელისწყსი, რადთა სცხო შენ წილ წინაჲსწარმეტყუელად, ეგრეთვე აწ

ევედრე ღმერთსა, საცთურებასა და ჭირთა საჯუმილსა შინა, ჩუენცა გუასხუროს ცუარი მადლისა შენისაჲ, რადთა გული ჩუენი არა გრილ იყოს სმენად საღმრთოთა სწავლათა და შეწირვად გალობისა:

გიხაროდენ, მარგარიტო მრავალსასყიდლისაო, შემკობილო მადლითა მით სამღდელოდთაო;

გიხაროდენ, დიდო მნათობო წინაღსწარმეტყუელთაო, რამეთუ აღილე შენ შური მოსწსი და მსგავსად მისა იხილე უხილავი და ეზრახე უფალსა;

გიხაროდენ, რამეთუ უმჯობეს გიჩნდა სიკუდილი, ვიდრე ცხორებაჲ კაცთა შორის ღმრთისმგმობთა და ამაოთა;

გიხაროდენ, ხატო მეუდაბნოეთაო, გამოჩინებულო ფიცხელთა მით საგრობითა შენითაო;

გიხაროდენ, ზღუდეო და სასოებაო კეთილმოშიშთა მღდელთაო;

გიხაროდენ, სულთა უკეთურთა შემწუველო და აღმომკუეთელო ნერგთა მწვალებელთაო;

გიხაროდენ, წინამძღუარო განშორებულთაო და ყოველთა ზეცისადმი წარმმართველთაო;

გიხაროდენ, მომსრველო უღმრთოთა წარმართთაო და ჳელისაღმპყრობელო მორწმუნეთაო;

გიხაროდენ, საღმრთოო შუამდგომელო შორის ღმრთისა და კაცთაო;

გიხაროდენ, აღმომაცენებელო ნაყოფთა სულიერთაო;

გიხაროდენ, ნუგეშინისმცემელო შეურვებულთა და
ტვრთ-მძიმეთაო;

გიხაროდენ, უსასყიდლოო მკურნალო სხეულთაო და
სულთაო;

გიხაროდენ, წინადაწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 8

გარდამოხვედ-რად მთით, წმიდაო ელია, ვითარცა
მოსწ ნისლისა მისგან საღმრთოდსა, წარხუედ და პოვე
ელისე, ათორმეტითა ჯარითა მკვნიელი მიწისაო, და
დააგდე რად ხალენი შენი მის ზედა, დაუტევნა მან
სამუშაკოდ თვისი და მშობელნი, და შეგიდგა
წადიერებითა, ხოლო შენ განაკრძალეზი მას,
ნეტარო, და აღაგზებდი მოშურნეობითა, ეგრეთვე აწ
თანამავალ გუექმენ ჩუენ და მოგუანიჭე მკურვალეზად
სარწმუნოებისაო, რადთა საწუთოდსა ცხორებისა გზად
კეთილად განვლოთ და მადლი და დიდება
შევსწიროთ ღმრთისა: ალილუია.

იკოსი 8

ამხილე რად აქაბ მეფე და უსჯულოდ ცოლი მისი
მოკლვისათვს ნაბოთქსა და მიტაცებისათვს ვენახისა,
წინადაწარ აუწყე წარწყმედად ადგილსა მას,

რომელსაცა სმიდეს ძაღლნი და ღორნი სისხლსა მისსა, ხოლო იეზაბელისთვისცა ამცნე შენ, ვითარმედ ძაღლთა შეჭამონ იგი ზღუდესა ნაბოთჭსსა, არამედ ჩუენ შეგზწყალე და ევედრე ღმერთსა, არა სამართლად მოგვაგოს ბოროტად საქმეთა ჩუენტათვს, არამედ საცთურსა ვეცხლისმოყუარებისასა განგუაშოროს და და მოგუმადლოს ცოდვათა ლხინებაჲ მაქებელთა შენთა:

გიხაროდენ, ქუეყანისა ანგელოზო და კაცო საკვრველო ზეცისაო;

გიხაროდენ, დიდო მესაიდუმლეო ყოვლისა მპყრობელისაო;

გიხაროდენ, ზეგარდამო მოვლენილო განწმედისათვს ისრაელისაო და განძლიერებისათვს სამეფოდსა წმიდისაო;

გიხაროდენ, დიდო მართლმსაჯულო და განმანათლებელო ერისა რჩეულისაო;

გიხაროდენ, ღმრთისა ხედვითა განბრწყინვებულო მკვდრო უდაბნოდსაო;

გიხაროდენ, კლდეო განუკვეთელო მართლისა სარწმუნოებისაო;

გიხაროდენ, სამზღვარო შჯულისაო და აღლესულო მახვლო ღმრთისაო;

გიხაროდენ, სარწმუნოებითა მტკიცითა განმაქიქებელო მძლავრთა უღმრთოებისაო;

გიხაროდენ, ძალაო და დამამტკიცებელო მეფეთა
სკიპტრისაო;

გიხაროდენ, ფარო, დამცველო კეთილმსახურებისაო;

გიხაროდენ, ქებაო და დიდებაო მამულისა შენისაო;

გიხაროდენ, გარდამომავლინებელო ცუართა და
ნაყოფთა უხუებისა და მოსავალთა სიმრავლისაო;

გიხაროდენ, წინაღსწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 9

ვჰმად მხილებისა შენისაჲ მივიდა რაჲ აქაბისა მიმართ,
სამოსელთა დამპობელმან შთაიცვა ძაძაჲ და
ტირილითა და წუხილითა იმარხა, მაშინ შეუნდო
უფალმან და არა მიავლინა ძვრი მას ზედა
ვიდრემდის არა აღილაღა, ეგრეთცა მოწყალე-ჰყავ ჩემ
ზედა მართლ-მსაჯული იგი უფალი წარმიმართოს
სინანულისა მის გზისა მიმართ მაცხოვრებელისა,
რადთა ურცხვენელითა და მხიარულითა პირითა
ვადიდებდე ნათლისა მომცემელსა და საუკუნეთა
შემოქმედსა: აღილუია.

იკოსი 9

ბრძოლად აღიძრნეს რაჲ ასურნი ისრაიტელთა ზედა,
ეტყოდეს ცრუ წინაღსწარმეტყუელნი მეფესა

ისრაელისასა: „წარგემართოს და მოგცეს უფალმან ძლევად მტერთა ზედა“, გარნა მხოლოდ მიქეად წინადაწარმეტყულებდა სიკუდილსა აქაბისასა, რადასთვსცა შეიპყრეს და შთააგდეს საპყრობილესა, ხოლო შევიდა რაა ბრძოლად აქაბ, ისრითა განიგმირა და ღორნი და ძაღლნი ლოკდეს სისხლსა მისსა მსგავსად სიტყვსა მის უფლისა, რომელსა იტყოდა პირითა შენითა, წინადაწარმეტყუელო ელია, გარნა აწ აღგვარიდე საღმრთოდასა მშჯავრისა საშინელებად უშჯულოებისა ჩუენისათვს და მოგვეც წყალობად შენდამი მგალობელთა:

გიხაროდენ, ახოვანებითა სულისადათა დაჯსნილთათვს მაგალითისა მიმცემელო;

გიხაროდენ, ცოდვისმოყუარეთა კაცთათვს თავშეკავების სიტკბოებისა მასწავლელო;

გიხაროდენ, ვერცხლისმოყუარეთა და ანგართა მარცხვენელო;

გიხაროდენ, სულითა ძლიერო, ჯორციელად ძლიერთა ჯელმწიფეთა მძლეველო;

გიხაროდენ, სამართლად მოწევნულისა საშინელისა რისხვისაგან სინანულისა ძლით განმარინებელო;

გიხაროდენ, გარეგან ცხოვართადათა მოსილთა და შინაგან მგელ-ღმრთისმსახურთა დამამჯობელო და განმთხეველო;

გიხაროდენ, ქედფიცხელთა ურჩებისა

განმაქარვებელი;
გიხაროდენ, აქაბისა და იეზაბელის განლალებისა
დამკსნელი;
გიხაროდენ, განცხრომისა მათისა მწუხარებად
გარდამქცეველი;
გიხაროდენ, ყოვლისაგან საქმისა ბოროტისა
საემაკოდსა და აღძრვსაგან კორცთაჲსა გამომკსნელი;
გიხაროდენ, წარმწყმედელთა გზათაგან
განმარინებელი;
გიხაროდენ, კრულებათა ჩუენთა დამკსნელი და
სინანულისა ბჭეთა განმლებელი;
გიხაროდენ, წინაღწარმეტყუელი და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 10

გამეფდა რაჲ ოქოზია, ვიდოდა გზასა ზედა მამა-
დედათა თვსთაჲსა, რომელთა აცთუნეს ისრაჲლი,
რამეთუ თაყუანისცა კერპთა, და განარისხა უფალი
უმეტეს ყოველთა მათ წინანდელთა მეფეთასა, გარნა
დასნეულდა და წარავლინნა კაცნი კითხვად წინაშე
ბაალისა, უკუეთუ განერეს იგი სენსა მას მძვნვარესა,
მაშინ ანგელოზმან უფლისამან წარგგზავნა შენ
თქუმად მსახურთა მისთა: „რად მიხვალთ თქუენ
კითხვად ბაალისასა, კერპსა მას უტყუსა და

უსულოსა, არღარა არს ღმერთი შორის ისრაჴლისა?
რადსთვსცა ეტყვს მას უფალი: მოკუდე სენითა
მაგითა“, ეგრეთვე აწ ჩუენცა წარგვმართე გზასა
სიმართლისასა, რადთა არა მოიწიოს ჩუენ ზედა
რისხუად შენი და ვაქებდეთ ღმერთსა სულითა და
ჭემმარიტებითა: ალილუია.

იკოსი 10

ეუწყა რად ოქოზიას თუ ვითარ ამხილებდი
წარგზავნილთა მისთა, შეძრწუნდა და მიყუანებად
შენი უბრძანა მხედართმძლუანსა, არამედ შენ სწვიმე
ცეცხლი ზეცით შემწველად მრჩობლ ორმეოც და
ათთა მხედართა მისთა, და ბრძანებითა ღმრთისადათა
წარსდეგ რად წინაშე უმჯულოდსა მის მეფისა, უშიშად
ამხილე და წინადათვე აუწყე საშჯელისათვს და
სიკუდილისა, გარნა არა დააცხრო მხილებამან შენმან
საქმენი მისნი და მოკუდა უსამართლოდ იგი
ბრძანებისაებრ უფლისა, მისსა მიმართ მეოხებად
მიგავლენთ, მოგვცეს ჩუენ გული გონიერი და ბრძენი,
გულისხვმის-ყოფად კეთილისა და ბოროტისა, რადთა
ვილუაწოთ ახოვნებითა ვნებათა მიმართ და ღირს
ვიქმნეთ შეწირვად გალობისა:

გიხაროდენ, ლამპარო აღგზებულო, გონიერთა
განმანათლებულო და უგუნურთა დამწველო;
გიხაროდენ, მხილებისა მახვლითა მსახურთა მისთა

განმგმერელო;

გიხაროდენ, უგულისკმითა განმაბრძნობელო და
ღმრთისმოსაობასა შინა განმსწავლელო;

გიხაროდენ, მამულისა განრღვეულისა სულისა
განმაცხოველებელო;

გიხაროდენ, მაცთურთა მათ ვერაგთა და თვსტომთა
თვსთა მცბიერად წარმწყმედელთა დამცემელო;

გიხაროდენ, მრავალშეთხზულთა მათ ხელოვნებათა
ემმაკისადათა დამკსნელო;

გიხაროდენ, ლირწებათა მეფეთასა და უწყალოებათა
მსაჯულთასა აღმკუეთელო;

გიხაროდენ, ძალითა სულისა შენისადათა ზუავთა და
ამპარტავანთა დამამკობელო;

გიხაროდენ, ორგულთა და ღმრთისმგმობთა
ზარდამცემო და მომწყულელო;

გიხაროდენ, ბრალეულთა სინანულად მომაქცეველო;

გიხაროდენ, ჭირვეულთა და ძვრ-ხილულთა კელის-
აღმპყრობელო;

გიხაროდენ, ნავთსაყუდელსა მას საუკუნოდასა
ცხორებისასა მშვიდობით შემეყვანებელო;

გიხაროდენ, წინადაწარმეტყუელო და ქადაგო
ძუელისა და ახლისა სჯულისაო, საკვრველ-
თმოქმედო ელია!

კონდაკი 11

კეთილად სრულყავ რად სრბად ღუაწლისა შენისად, და გეგულეობდა აღყვანებად უფლისა მიერ ზეცად, წარხვედ ელისეს თანა იორდანედ, და ხალენითა განაპენ რად მდინარს იგი, ფერჯითა წიაღვლენით კმელსა და რქვ მოწაფესა შენსა: „უკუეთუ მიხილო ამადლებული შენგან, იყავნ მრჩობლი სული ჩემი შენ ზედა“, და ორნივე ერთობით ადიდებდით და უგალობდით ღმერთსა: ალილუია.

იკოსი 11

აღტაცებულ იქმენ ცეცხლის ფერითა ეტლითა და ჰუნებითა ცათა შინა, და ელისე გხედვიდა რად ზეცად აღმავალსა, კელნი განეპყრნეს მოღებად ხალენისა და ღაღადებდა: „მამაო, მამაო, ეტლო ისრაჲლისაო და მკედარო ღმრთისაო“!, მაშინ განაგდე სამოსელი შენი და მიიქუა რად მოწაფემან შენმან, მიიღებდა ორკეცსა უკუე მადლსა საღმრთოსა, და სცა რად წყალსა ორგზის, განაპო და წიაღვდა კმელსა, ხოლო იხილეს რად ყოველი ესე წინადსწარმეტყუელთა, თქუეს ურთიერთას: „აწ დაადგრა სული ელიადსი ელისესა ზედა!“ და სიხარულითა მიეგებნეს მას და აქებდენ წინადსწარმეტყუელებასა შენსა და ძალსა საკვრველსა:

გიხაროდენ, კაცო, ცათა შინა აღსრულო და წინაშე სამებისა მდგომარეო, რამეთუ განხრწნადმან უხრწნელებაჲ შეიმოსე და ყოველთა წმიდათა თანა მიეახლები გამოუთქუმელსა დიდებასა მისსა;

გიხაროდენ, კურთხეულო ძალითა მაღლისადათაო, რამეთუ იხილე მოსეს თანა, რომელი თუალმან არა იხილა და ყურსა არა ესმა, განხორციელებული უფალი თაბორს ზედა, ხოლო მოციქულთა გიხილეს რაჲ ჯორციელად, ვითარცა მონანი, წინაშე უფლისა თვისისა განიხარეს;

გიხაროდენ, რამეთუ მიჰხედეთ ურთიერთას წინამძღუართა ძუელისა შჯულისათა წინამძღუართა მათ ახლისა შჯულისათა, ხოლო რომელი ამაღლდი ეტლითა ცეცხლისადათა, ჭურეტდი მას, რომელი-იგი მიეყრდნა მკერდსა მას მოტყინარისასა;

გიხაროდენ, რამეთუ ეტყოდა რაჲ სიმონ-პეტრე იესუს: კეთილ არს ჩუენდა აქა ყოფაჲ, ვქმნეთ სამ ტალავარ: ერთი შენდა და ერთი მოსწესა და ერთი ელიაწსა, მყის ღრუბელი აგრილობდა მათ;

გიხაროდენ, რამეთუ აჰა ესერა ჳმად გესმათ ღრუბლით, რომელი იტყოდა: ეგე არს ძჳ ჩემი საყუარელი, რომელი მე სათნო-ვიყავ, მაგისი ისმინეთ, და ქუხილისა და მისვე ჳმისაგან შეიძრა ქუეეყანაჲ და მოციქულნი დაცჳვეს შიშისა მისგან, ხოლო მოსე მიიქცა ადგილადვე თჳსა და შენ მიიქეც

ქუეყანადვე;

გიხაროდენ რამეთუ ვიდრე აქამომდე კაცადლა ჰგონებდა იესუს სიმონ-პეტრე და თქუენ თანა შეჰრაცხდა, გარნა ვმისაგან მამისა გულისჯმა-ყო განხორციელებაჲ ქრისტჳსი, რომელ-იგი იყო დაფარულ მათგან;

გიხაროდენ, რამეთუ მით სიტყვთა კუალად გაუწყა თქუენ განსრულებაჲ განგებულებისა თვისისაჲ და გიბრძანათ თქუენ მორჩილებაჲ იესუდსი, რადთა ვითარცა გებრძანოთ, ეგრეთცა ქადაგებდეთ;

გიხაროდენ რამეთუ იქმნა მთაჲ იგი სახე ეკლესიისა, სადა იგი შეაერთნა იესუ ორნივე იგი აღთქუმანი, და ესრეთ შეიწყნარა ეკლესიამან, და გვცნობიეს, რამეთუ იგი არს მომცემელი ორთავე მათ აღთქუმათაჲ;

გიხაროდენ, ისრაელისა მამად და წინადასწარმეტყუელად სარწმუნოდ წოდებულო, რამეთუ ვითარცა დიდსა საუნჯესა, ეგრე ჰკრძალვიდეს რაჲ ჰურიანი მრჩობლ-ძალითა შემოსილსა ხალენსა შენსა, მოიღეს მცხეთას და დაფლეს სიწმიდჳ იგი ქუეშე ქუათა შინა ულპოლველად ვიდრე ჟამადმდე მისა;

გიხაროდენ, რამეთუ დაიცვა სიწმიდჳ ეგე ღმერთმან და ჯურღმულსა მას მიწისასა აღმოაცენა წყალი იგი სასწაულთმოქმედი, რომლისაგან კუალად აღმოადინებს კურნებასა;

გიხაროდენ, რამეთუ არს წმიდასა მას ქალაქსა შინა სამეუფოდ სამოსელი ძისა ღმრთისაჲ, კუართი იგი უკერველ, ღმრთისმშობლის მიერ გამოქსოვილ, რომელი ჯუარზე მცუმელთა მათ ქრისტჳსთა განიყვნეს და შემდგომ წილითა იხუედრეს ელიოზ მცხეთელმა და ლონგინოზ კარნსნელმა - ჰურიათა მათ მცხეთელთა;

გიხაროდენ, რამეთუ გული გვთქს ჩუენ მარადის მისლვად „დედასა ყოველთა ეკლესიათასა - სუეტიცხოველსა“, რადთა სიწმიდენი ეგე მჭურვალედ შევიტკბოთ და კურნებაჲცა აღმოვივსოთ მაგალობელთა შენთა:

გიხაროდენ, წინაღწარმეტყუელო და ქადაგო ძუელისა და ახლისა სჯულისაო, საკვრველ-თმოქმედო ელია!

კონდაკი 12

სიწმიდითა სულისაჲთა, ვითარცა ენუქ მართალი, სათნო ეყავ ღმერთსა, და მოგანიჭათ რად მაღლი არა ხილვად სიკუდილი ვიდრე ქადაგებადმდე ჟამსა მას ანტჳს მოსლვისასა, ვერცა მან, და ვერცა სხუამან გავნოთ თქუენ, ენუქ და ელია, ვიდრე აღასრულოთ ჟამი წინაღწარმეტყუელებისა თქუენისაჲ, ხოლო იწყოს რად ჳელმწიფებად და წინა-აღდგომად ღმრთისა, აღიმაღლებდეს და განიდიდებდეს თავსა

თვსსა მკდომი იგი, ვიდრე შესლვადმდე მისა და დაჯდომად ტაძარსა მას ღმრთისასა, გარნა თქუენ არა ინებებთ დიდებისა მიცემად მისდა, რაღსთვსცა ბრძოლა-ყოს თქუენ თანა და მოგაკუდინოთ იერუსალჴმსა, გარნა გუამნი თქუენნი არა დაკრძალონ სამარებსა, არამედ აღგადგინოთ უფალმან მკუდრეთით მესამესა დღესა და აღგიტაცოთ ღრუბლითა ზეცად, რაღთა ანგელოზთა და წმიდათა გუნდთა თანა შერთულნი საუკუნოდ ადიდებდეთ ღმერთსა: ალილუია.

იკოსი 12

ოდეს ბილწი იგი და მაცთური ანტიქრისტე გრძნებითა უაღრეს გამოჩნდეს ყოველთა გრძნეულთა და მწამლველთასა, მაშინ შეგჭურნეს ღმერთმან ენუქისა თანა ყოვლითა სასწაულითა, ყოვლად სანატრელო ელია, და მოგავლენთ თქუენ პირველ მოსლვადმდე მისა, რაღთა უთხრობდეთ ყოველთა წარმართთა ორსა მას მოსლვასა უფლისა ჩუენისა და მკსნელისა იესუ ქრისტჴსსა და მოაქცევდეთ რაღ სინანულად, იკსნიდეთ მათ მონებისაგან წარსაწყმედელისა მისა, რაღთა სირცხვლეულ-ჰყოთ მზაკუვარი იგი და ნუგეშინისცეთ მორწმუნეთა, გარნა აწ-ვე განძლიერებულ არს ზრახვად იგი უშჯულოებისად და მეცა, უდებებისა მედგრობათაგან

ძლეული, ვსძრწი მოსალოდებელისა მისთვის დღისა დიდებით მეორედ მოსლვისა ქრისტჳსისა, რამეთუ არა მომიგიეს მე საქმჳ, რომლითამცა განვმართლდე წინაშე საყდართა მისთა, სადაათ იგი განმამტკიცე ძალითა მალლისადათა, რადათა განვძლიერდე მადლსა მას შინა იესუ ქრისტჳსსა და ვიტყოდე მადლიერებითა:

გიხაროდენ, რამეთუ გამოჩნდეს რად კაცი იგი უმჯულოებისად ყოვლითა ძალითა და ნიშებითა ეშმაკისადათა, ორნი ეგრე წინადასწარმეტყუელნი და ცხებულნი ღმრთისანი მოიწევით კიდეთა სოფლისადათა;

გიხაროდენ, რომელნი სწინასწარმეტყუელებთ ზეცით გარდამო ცხოველსმყოფელსა მოსლვასა ქრისტჳსსა შემოსილნი ძაძითა, რადათა ნუ უკუე მოვიდეს იგი და დასცეს ქუეყანად ერთბამად“.

გიხაროდენ, მოქალაქენო ზეციერისა იერუსალჳმისაო, რამეთუ დავანებულ არს თქუენზედა კურთხევაად და მადლი ცათა და ქუეყანისა მეუფისადა და თქუენითა მოსლვითა გვაუწყებს, ვითარმედ ჟამი ახლო არს; გიხაროდენ, რამეთუ განაშორებს რად კაცთა საუკუნოდსა ცხორებისაგან წარმავალისა პატივისა ქადებითა, თქუენ განაკრძალებთ მათ დღეთა ათას ორას და სამეოცსა და გარე-შეზღუდავთ ძალითა ღმრთისადათა;

გიხაროდენ, რამეთუ გაქუნდეს თქუენ ჰელმწიფებად დაჰშვად ცისა, რადთა არა იყოს წჳმად დღეთა წინაღსწარმეტყუელებისა თქუენისათა;

გიხაროდენ, მოწამენო განსაკრთომელნო, რამეთუ აღასრულნოთ რად სრბად თქუენი, „მკეცმან მან, რომელი აღმოვაღს უფსკრულით“, გტანჯოს თქუენ და მოიკლნეთ რად მის მიერ მოედანსა მას იერუსალჴმისასა, სადა იგი ჯუარს აცუეს იესუ, აღგადგინოთ მკუდრეთით, და აღგიყუანოთ ღრუბლითა ზეცად;

გიხაროდენ, რამეთუ გიხილნეს რად მტერთა თქუენტა, მას დღესა შინა იქმნა ძრვად დიდი, და მეთედი ქალაქისად დაეცა, ხოლო სხუანი იგი შეშინებულ იქმნეს და მისცეს დიდებად ღმერთსა;

გიხაროდენ, რამეთუ სდევნოს რად წმიდანი და ჰგმობდეს ქრისტესა, შემდგომად დღეთა მათ ათას ორას და სამეოცთა ჰირისათა, ვითარცა ელვად გამოუბრწყინდეს მზჴ იგი სიმართლისად აღმოსავალით მოშიშთა სახელისა მისისათა;

გიხაროდენ, რამეთუ იყოს რად მეორედ მოსლვად იგი ქრისტჴსი ღრუბელთა ზედა დიდებით, განლიოს და წარწყმიდოს ბილწი იგი და განლაღებული ყოველთა ზედა, და ღმრთის სახელისა მჩემებელი, და ჯორცნი მისნი მისცეს უმრეტსა ცეცხლსა დასაწუველად;

გიხაროდენ, რამეთუ აღადგინნეს ყოველნი წმიდანი

და მოუწოდს სიტკბოებით: „მოვედით, კურთხეულნო მამისა ჩემისანო, და დაიმკვდრეთ განმზადებული თქვენდა სასუფეველი დასაბამითგან სოფლისადათა“; გიხაროდენ, რამეთუ აღსასრულსა ქუეყანისასა მსაჯულად გამოჩინებული ეტყვს ყოველთა უღმრთოთა და უშჯულოთა და რომელთა არა ჰრწმენა მისი: „წარვედით, წყეულნო, ცეცხლსა მას საუკუნესა, რომელი განმზადებულ არს მამისა ჩემისა მიერ ეშმაკისათვს და ანგელოზთა მისთა“; გიხაროდენ, წინადაწარმეტყუელო და ქადაგო ძუელისა და ახლისა სჯულისაო, საკვრველ-თმოქმედო ელია!

კონდაკი 13

ჟ, ყოვლად საჩინოო, ახოვანო წინადაწარმეტყველო ელია თეზბიტელო! კეთილმსახურებათა შინა მუშაკო საკვრველო, რომელმან ლოცვითა შენითა განაჰმენ ცუარნი წვმისანი და შემუსრენ ყოველნი მტერნი ღმრთისანი, აწ აღსდეგ შემწედ ჩუენდა და საჯე მაჭირვებელთა და ბრძოდე ბრძოლთა მათ ჩუენტა, რომელნი ცოდვათა და უსჯულოებათა ჩუენტათვს სამართლად მოშუებულ არიან ვნებად ჩუენდა და უკუნაქციე შეურაცხი სილაღლ მათი შიშად და ლტოლვად, რადთა ვიტყოდეთ სიქადულით: ჭეშმარიტად საკვრველ არის ღმერთი წმიდათა შორის, ქებული ყოველთაგან საქმეთა მისთა: ალილუია. *ეს კონდაკი ითქმის 3-გზის, შემდეგ*